

ESTATUTS de l'Associacion Cevenas 2050

Traduccion non oficiala — la version francesa fa fe

ARTICLE 1 — NOM

Es fondat entre los adherents als presents estatuts una associacion regida per la lei dau 1^{èr} de julhet 1901 e lo decret dau 16 d'agost 1901, ajent per títol : **Cevenas 2050**

ARTICLE 2 — OBJÈCTE

Acompanhament dau territòri Cevenòu e son Piemont vèrs mai de solidaritat e de cooperacion dins lo respècte de l'environment.

En desvolopant l'autonomia alimentària, la ressorsa en aiga, l'abitat ecologic, lo viure-ensems, los enjòcs sòcio-economics, la govèrnança partejada, per d'accions ciutadanas, de chantièrs participatius, d'eveniments culturaus, d'accions de sensibilizacion dau public via l'educacion populara.

ARTICLE 3 — SETI SOCIAU

Lo seti sociu es fixat a :

Centre Sociu l'Oustal, Espaci Paulhan, Avenguda de la Resisténcia, 30270 Sant Joan dau Gard.

Pòt èsser transferit per simpla decision dau burèu collegial.

ARTICLE 4 — DURADA

La durada de l'associacion es illimitada.

ARTICLE 5 — COMPOSICION

Los membres de l'associacion son : adherents personas fisicas e morales.

Sols las personas fisicas son eligiblas dintre lo burèu collegial.

ARTICLE 6 — ADMISSION E COTIZACIONS

L'associacion es duberta a totas las personas, morales o fisicas. Per faire partida de l'associacion, fau aderir als presents estatuts, e au règlament interior, e s'aquitar de la cotizacion annuala civila, dont lo montant es fixat per l'assembleada generala o per simpla decision dau burèu.

Lo burèu collegial se garda lo drech de refusar d'adesions, amb avís motivat per escrich als interessats.

ARTICLE 7 — RADIACIONS

La qualitat de membre se pèrd per :

- a) La demission ;
- b) Lo decès ;
- c) La radiacion pronunciada per lo burèu collegial per motiu grèu (l'interessat ajent estat convidat de provesir d'explicacions au burèu) ;
- d) Lo non-pagament de la cotizacion annuala ;
- e) Lo non-respècte dau règlament interior.

ARTICLE 8 — AFILIACION

L'associacion pòt aderir a d'autres associacions, unions, federacions o regropaments per simpla decision dau burèu collegial.

ARTICLE 9 — RESSORSAS

Las ressoras de l'associacion compreson :

1° Lo montant de las cotizacions.

2° Las subvencions publicas o privadas.

3° Todas las ressoras autorizadas per las leis e règlaments en vigor (dons, legs, billetariá, venda de produchs au profièch de l'associacion).

ARTICLE 10 — ASSEMBLADA GENERALA ORDINÀRIA

L'assembleada generala ordinària compren totes los adherents de l'associacion, quals que sián. Se reünís au mens un còp per an.

Quinze jorns au mens abans la data fixada, lo burèu collegial de l'associacion convòca l'ensems dels adherents. L'òrdre dau jorn figura sus las convocacions.

Lo burèu collegial presidís l'assembleada generala ordinària e presenta los bilans morau e d'activitat. Rend còmpte de sa gestion financièira e presenta los còmptes annuaus (bilan, còmpte de resultat e annèxe).

Las decisions son preferiblement presas per consens — abséncia d'objeccions motivadas relevadas dels adherents presents o representats. Se lo consens s'avera dificil, lo burèu collegial optarà per un vòte a man levada onte 2/3 de las votz seràn necessàrias per validar una decision.

Es procedit, après acabament de l'òrdre dau jorn, a l'eleccion dels membres dau burèu collegial.

Las decisions de las assembleadas generalas s'impòsan a totes los membres, mai aquels absents o representats.

Un adherent pòt aver fins a doas procuracions per d'autres adherents.

ARTICLE 11 — ASSEMBLADA EXTRAORDINÀRIA

Lo burèu collegial pòt convocar una assembleada generala extraordinària per tractar los punts pas abordats a l'òrdre dau jorn de l'assembleada generala ordinària, modificar los estatuts o dissoldre l'associacion.

Las modalitats de convocacion e de las presas de decision son las meteissas que per l'assembleada generala ordinària.

ARTICLE 12 — BURÈU COLLEGIAL

L'associacion es gerida d'un biais collegial. Lo burèu collegial es compausat de 7 a 10 membres elegits per 3 ans a l'assembleada generala e son reeligibles. Lo burèu collegial se reünís au mens un còp cada sièis mes, sus convocacion d'un de sos membres. Las decisions dintre lo burèu son presas per consens.

Las candidaturas per intregar lo burèu devon èsser enviadas per mail 1 mes abans l'AG (amb motivacion) e seràn comunicadas als adherents a la convocacion a l'Assembleada Generala.

ARTICLE 13 — INDEMNITATS

Totas las foncions, comprés aquelas dels membres dau burèu collegial, son gratuitas e benevòlas.

ARTICLE 14 — RÈGLAMENT INTERIOR

Un règlament interior es establìt per lo burèu collegial e aprovat per l'assembleada generala. Aqueste règlament es destinat a fixar los divèrses punts pas previstes per los presents estatuts, especialament aquels que tènon a l'administracion interiora de l'associacion.

ARTICLE 15 — DISSOLUCION

En cas de dissolucion pronunciada, un o mai liquidaires son nomenats.

Los actius nets, s'i'a, son devolguts a una altra associacion ajent un objècte similar, conformament a las decisions de l'assemblada generala extraordinària que statuís sus la dissolucion.

Los actius nets pòdon pas èsser devolguts a un membre de l'associacion, mai parcialament.

« Fach a Sant Joan dau Gard, lo 21.03.2026 »

